

BAGDADEKO GOBERNUAREN JARRERA. Nazioarteko elkartasun taldeek emandako babeska eskertu du Azizek

MARWAN NAAMANI / EPA

NBEko arma ikuskatzaileek ustezko masa suntsipenerako armen bila jarraitzen dute. Bagdaden izan ziren atzo.

Mezua munduari

Irakeko borroka euren subiranotasuna eta independentzia defendatu nahi duten munduko herrialde libre guztien borroka dela adierazi du lehen ministrorde Tarek Azizek

Jose Mari Pastor | BAGDAD
Berriemaile berezia

Hogei minutu beranduago joan da nazioarteko elkartasun taldeetako kideekin duen hitzordura. Bera baino lehenago segurtasun arduradunak sartu dira aretoan, eta eseri behar duen mahaian zein grabagailu, mikrofono eta tresna dagoen aztertu dute. Tarek Aziz ondoren azaldu da uniforme militar berdea jantzita, funtzionario eta bizkartzainez inguraturik. Eskuineko eskua jaso agurtu du jendea. Gero, patxadaz eseri eta haren hitzaldia hasi du nazioartean sortu den krisiaz mintzatzeko.

AGURRA (I). «Egunon denoi eta urte berri on. Eskerrak eman nahi dizkizuegu urteko azken eguna gure artean pasatzea erabaki duzuelako Bagdaden, bake hiri honetan. Guk benetan estimatzen dugu hori, eta eskerrak ematen dizkizuegu bihotz-bihotzez».

AEB-EN ARRAZOIAK. «AEBak gezurretan ari dira suntsipen handiko armak ditugula diotenean. Arma horiek ditugula eta AEBetako herritarrak mehatxatzeko direla diote. Inork ez du hori si-

netsiko, burutik ondo baldin badago, baina Washingtonek aitakia hori erabili du hedabideen bidez bere nagusitasuna munduko beste herriei inposatzeko».

«Hain zuzen ere, argudio hori baliogabetzeko, Nazio Batuen Erakundearen 1441 ebazpena onartu dugu eta arma ikuskatzaileak bueltatzea ahalbidetu dugu. Hori lortzeko arrazoia zera izan da: munduko herriak ez engainatzea. Aitzakia hori hausteko onartu dugu 1441 ebazpena. Ikuskatzaileak Bagdadera etorri dira eta AEBetako hedabideetan eta Tony Blairren txostenean agertutako zentroak bisitatu dituzte arma nuklear, kimiko eta biologikoen bila. Orain arte ez dute ezer aurkitu, eta ez dute aurkituko, dena gezurra baita».

Kapela militar beltza buruan sartu-sarturik darama. Haren ahotsa leuna da, eta soinu irmoa. Noizean behin, bere hitzak itzultzen ari diren bitartean, burua mugitzen du, gehienbat eskuinerantz, eta entzuleei begiratzen die.

AEB-EN HELBURUAK. «Iraken NBEko arma ikuskatzaileak egon arren, AEBetako hegazkinontziek eta soldadu estatuba-

tuar eta britainiarrek eskualde- ra hurbiltzen segitzen dute. Orduan, zein da helburua? Helburua eskualdean nagusitasuna lortzea eta herriak banatzea da, eskualdean Israel inperio indartsuena izatea, eta herri palestinarren eskubide guztiak zaborretara botatzea. Horixe da helburua. Baina proiektu inperialista sionista mundu guztia- rentzat da kaltegarria. AEBek haien helburua lortuz gero, ez dute soilik Irakek eta herri arabiarrek galduko, Europak eta Japoniak ere haien independentzia ekonomikoa galduko dute. AEBetan agintzen duen talde kapitalistak une egokia ikusten du orain munduan bere nagusitasuna indarrez ezartze- ko».

«Zuek ere zeuen independen- tzia defendatzen ari zarete inperialismo eta globalizazioaren kontra. Mundu guztia dago AEB- en politikaren aurka eta Irak da orain enfrentamendu horren borroka gunea. Irakek erresistit- zea lorpen handia izango da munduko herri guztientzat haien independentzia defendatu eta inperialismoa garaitu nahi badute».

Egurrezko betaurrekoak daramatza, eta begiak preso ditu kristal lodi-lodien atzean. Gor-

putza are txikiagoa ageri zaio alboko itzultzailearen handitasun fisikoaren ondoan.

LAGUNTZA. «Gerra egonez gero Irakek ongi etorria emango die boluntario guztiei. Borroka ez da soilik Irakena izango; nazio arabiarren bataila da, eta munduko herri libre guztiena. AEBen esku-hartze politika suntsitzeko eta subiranotasuna eta independentzia defendatzeko bataila izango da».

IKUSKATZAILAK. «AEBen gezur- rnak agerian uzteko, arma ikus- katzaileak ekarri ditugu Irakera. Badakigu hori kaltegarria izan daitekeela guretzat, gure armak zein diren ikusiko dutelako, gure herriaren defentsarako erabiliko ditugun baliabideak ikusiko dituztelako. Baina auke- ra hori hobetsi dugu, gerrara jo- atea baino hobea delako».

AFGANISTAN. «Afganistanenga- nako begirune eta errespetu guztiarekin: Irak ez da Afganis- tan. Afganistan herri azpigaratua da, ez zuen benetako gober- nurik, ezta benetako armada trebaturik ere. Gu herri moder- noa gara, armada trebatua dugu eta herritarrak ere bai, eta esperientzia daukagu: AEBen

**TAREK AZIZ**

(Irakeko lehen ministrordea)

«AEBen gezur- rnak agerian uzteko arma ikuskatzaileak ekarri ditugu, kaltegarria izan daitekeen arren»

«Gobernu aldaketa guztiak barrutik egin dira. Jai dute Londresen prentsaurrekoak ematen dituztenek»

«Armada trebatua daukagu eta herritarrak ere bai. AEBen kontra eutsi genion 1991n eta eutsiko diogu orain ere»

kontra egin genuen 1991. urte- an. Eutsi egin genion orduan eta eutsi egingo diogu orain ere».

Irakeko Gobernuaren aurpe- gi atsegina omen da. 1991ko krisialdian rol garrantzitsua izan zuen. Geroztik Gobernuan egon da, Saddam Husseinen konfiantza osoa baitu.

OPOSIZIOA. «Errealitate histori- koa dugu Iraken. Gobernu asko aldatu dira gure historian, baina inoiz ez dira ezarri Washington edo Londrestik. Aldaketa guz- tiak beti barrutik eragindako al- daketak izan dira: 1941ean, 1958an, 1963an eta 1968an. Londresen prentsaurrekoak ematen dituztenek jai dute Ira- ken, baina estatubatuarrek haien tankeen gainean ekarri nahi dituzte boterean ipintzeko. Hori barregarria da. Herri ira- kiarrak ez du hori onartuko. He- rri irakiarra harro dago bere su- biranotasunaz eta independen- tziaz. Nolaz onartuko ditu AEBetako tankeen gainean eto- rriko diren lakaioak?».

AGURRA (II). «Eskerrik asko etor- tzeagatik eta eskerrik asko da- tozen asteetan eta hilabeteotan emango diguzuen laguntzaga- tik. Eskerrik asko. Agur».